

日本人物史

四

和書門	
二七二四五	類
九一	函
七八	架
七	冊

内閣文庫	
二七二四五	和書類
四七五	函
一	架
五七	冊

内閣文庫	
番號	和 27245
冊數	7 (4)
函號	157 313



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



糊などで貼り付けられている部分がめくれない箇所あり

秀謙天
藏書

日本古今人物史義士傳卷之四

長谷部信連傳

長谷部信連者新大夫為連男也嘗近侍于三
条官任衛府尉治承四年茂仁王舉兵欲討平
族清盛聞而驚焉乃遣官兵欲捕三條官誅其
徒黨矣官去高倉第逃于園城寺緇徒保護焉
此時信連一人留守于其第官兵圍高倉第信
連防戰盡力然以敵衆多故遂擒獲矣宗盛感
彼勇敢而免死刑矣其後賴朝思往昔之忠戰

明治十二年

人物史卷四

賜能州大屋莊建保六年卒于任所

伊東祐清傳

伊東九郎祐清者姓藤原豆州人祐親之子也
初祐親惡賴朝之藩行欲殺之祐清告之而救
賴朝於危急之中及賴朝當啓蟄之運祐親為
囚而自殺賴朝思祐清之舊恩欲行賞祐清不
受曰父有罪而死其子有何顏而承恩乎請以
就戮世莫不美談之嗟呼祐清救賴朝之危急
者忠邪仁邪與父同死而不食祿者孝邪義邪

至家滅亡者無妄之災不期而然也人以扶賴
朝歸咎於祐清曰不顧後之殃隋父於死罪者
蓋過論也

左衛門宗清傳

初號彌平兵衛

彌平左衛門尉宗清者池禪尼之臣李宗之子
也平治之役義朝父子敗走宗朝虜賴朝獻清
盛清盛屬賴朝於宗清護之賴朝行年十三歲
孤苦特為甚是故宗清憐遇之懇至也既而賴
朝謫姪嶋矣壽永之秋平家出奔之後賴朝感

舊恩欲厚報宗清寄言於池賴成盛請同到鎌倉
賴成告宗清宗清曰君若向戰場則臣豈不進
先登乎顧賴朝招引君及臣者欲謝舊時之恩
也今也平族零落而獨就源氏承恩我耻之即
日馳驅至八嶋而奉前內府宗盛君子曰宗清
愛育賴朝者可謂無先見之智然不應其招者
可謂知義人也

四 齊藤實盛傳

長井實盛者北越之齊藤氏也保元屬義朝而

襲白河宮平治從義平而守郁芳門其兵略節
義不可勝言也源家開蟄之時遂降于平氏賴
朝勃興之日人多背平家屬源氏實盛耻已食
其祿又渝其心不違平家北征之役染白髮衣
紅錦而戰死于篠原歲六十餘

五 曾我祐成同時宗傳

曾我祐成時宗者河津祐泰之二子也祐泰沒
後育于曾我祐信故以曾我為氏自祐成九歲
時宗七歲以報父仇寤寐不忘焉建久癸丑賴

朝狩于富士野二子潛入營中而刺殺祐經於
臥床宿衛之士競争而出多為二子死傷戰鬪
良久後仁田忠常斬祐成小舍人童虜時宗時
宗謁賴朝吐鬱胸而就死人皆感賞之

六 佐藤繼信同忠信傳

佐藤繼信忠信者信夫莊司元治之二子鎮守
府將軍秀衡之臣也源義經征平氏之時秀衡
以二子屬義經兄弟發於奥州處處攻擊無不
有武功也八嶋之一戰源平爭雄繼信出群而

進中矣而死弟忠信射殺敵而報仇其後從義
經而入吉野山山僧起兵而敵忠信效紀信之
忠身親號義經拒僧徒而脫義經再回京師至
婦人愛壽家愛壽密謀而引敵忠信會戰殺傷
惟多遂自裁

兒嶋高德傳

兒嶋備後三郎高德者宇多源氏佐佐木之支
流也元亨之役高德通志官軍欲起義兵既而
笠置城降焉武夫護帝奉遷隱州高德伏兵於

要路欲渡奪翠華遷幸從他道過事不成微服
諷行在所斫庭樹書句而顯志矣高時伏誅後
尊氏又謀反四分五裂海內鼎沸高德終始不
渝忠義心熊山處處之軍竭戰功矣後改名三
宅入洛欲狙擊尊氏洋發覺出奔信州雖不遂
其志舉世無不歎賞矣

八 諏方盛世傳

諏方盛世者姓源氏信州人也嘗與高師冬成
父子之約屢遇恩恤矣觀應年中師冬據甲州

淵澤城敵于基氏直義矣諏方祝部攻之太急
盛世初雖屬祝部而勵戰功諭父子之義不可
違終入城中與師冬共死焉

九 山中幸盛傳 鹿助

山中幸盛者雲州人也世為尼子家臣毛利元
就滅尼子氏取雲州幸盛雖有復雲州之志事
不成焉於是憑信長以實告之故令幸盛屬明
智光秀蓋光秀者依為山陰道追討使也幸盛
見光秀難成大功請屬秀吉信長許之幸盛守

播之上月城秀吉為後援毛利家率大軍圍攻
 之士卒蟻附焉秀吉欲令幸盛脫出使龜井茲
 繼謂之幸盛曰難舍城內之疲卒女童我今欲
 死干敵手代諸人之命遂不出於是秀吉引兵
 退幸盛謀城中難立功偽請降毛利家其意蓋
 欲親近大將軍刺殺之報舊王之仇也事發覺
 為毛利家被誅

十 吉川經家傳

吉川式部少輔經家者吉川元春之家臣也天

正庚辰羽柴秀吉將大軍窺因州鳥執城城主
 山名大藏大輔豐國大怖而誘其臣森下出羽
 中村對馬欲降于秀吉二人不從曰既屬毛利
 家又降秀吉貳其心者不義也諫之而不聽豐
 國遂密出于城降秀吉森下中村使入告吉川
 元春曰豐國之所為如此非我力之所及願賜
 君侯同姓之武將一人共守此城同死生元春
 許諾而令老臣吉川式部少輔經家為城主其
 士卒四百餘人加鳥執城中之軍士麾下之兵

四千餘人也既而同年秋七月五日秀吉率六
萬餘騎圍鳥執之城不知幾重又別用一萬騎
杉原氏塞藝州之通路拒毛利家之援兵淺野
氏浮三百艘之兵船張海上之陳因此海陸路
絕城中糧盡經家麾下之將卒頗困極矣冬十
月中旬秀吉使刈掘尾茂以一柳市以語經家
曰自七月至今日攻守無優劣將士共罷病雖
然定下此圍城之中可難立功不若行和平而
休兩陣之將士森下中村捨累代之主君屬毛

利家不忠也無道也不可懲請賜二人則城
中之軍士皆安穩而送之故國經家答曰我今
與秀吉雖欲決雌雄城中糧盡無長保之謀宜
隨命行和平森下中村雖不忠干豐國於毛利
家爲功義請救二人之死經家代軍士自殺矣
秀吉不許曰森下中村之不忠雖及經家之自
殺不可免其罪不若經家保其身誅森下中村
梟其首經家曰誅森下中村經家生而歸不快
於心然則與森下中村同自殺而助我麾下之

軍士秀吉曰經家逢大軍之圍相持百餘日誰謂無功食盡行和平誰謂無策見可進見難退者軍政之良計也非經家之失今代士卒欲死者義者也殺義者我甚耻之我元所求之者森下中村二人也誅二人而救經家之身是吾所願也行李往來而不絕終不得已中村森下二人自戮經家曰秀吉惡此二人雖似有其理此二人有忠功于毛利家我殺之何面目之有即自殺其臣福光若鶴不忍見其主之死同以自

殺矣於是和平既成軍士全命而退其後秀吉獻經家首於信長信長於江州安土見之曰天下之義士也義士之首豈徒捨之乎贈禪院葬之

十 毛受莊父傳

毛受莊父者柴田勝家之先鋒將也志津嶽合戰先軍敗走柴田欲再戰毛受諫曰士卒疲而難再舉早入北莊城可固守我代公命可死之矣乃立勝家之馬符自稱勝家與敵軍屢戰兄

人物史卷四
十一
衆共戰死呼守義之志如此其甚者乎

鳥井強右衛門

鳥井強右衛門者奧平九八郎麾下之義士也
九八郎初屬武田家後叛勝頼歸于東照大神
君守三州長篠城勝頼以數萬兵攻之急奧平
盡防戰之術然城中乏糧食與平謂諸士曰敵
軍十重相圍絕糧道城裡兵食不踰數日我輩
無異涸轍魚徒待死而已孰爲衆軍踵信長陣
請後援鳥居請行以舉燧爲徵既而冒圍而出

舉燧城中大喜之鳥居到岡崎謁信長求救辭
氣愿款也信長許諾鳥居辭而去歸路遂爲敵
被執焉勝頼曰汝明且到城下可謂信長諸州
軍事繁冗而無暇出援兵若然則活汝命以爲
麾下臣又不聽命執汝亨之鳥居陽諾之明且
監吏擁鳥居近城下大揚聲曰信長率大軍爲
援在二三日間必矣一志堅守勿降言未既又
執鳥居趣引去之鳥居義氣不屈終斬之昔在
漢景帝三年吳楚反膠東膠西菑川濟南王皆

發兵應吳楚欲與齊齊孝王城守不聽三國兵
共圍齊三國膠西菑川濟南也齊王使路中大夫告於天
子天子復令路中大夫還報告齊王賢守漢兵
今破吳楚矣路中大夫至三國兵圍臨菑數重
無從入三國將與路中大夫盟曰若反言漢已
破矣齊趨下三國否且見屠路中大夫既許至
城下望見齊王曰漢已發兵百萬使太尉亞夫
擊破吳楚方引兵救齊齊必堅守無下三國將
誅路中大夫是與烏井之事頗相類也可謂異

域同日之論也嘗聞志士仁人殺身為仁矣烏
居殆庶幾乎

史記卷一百一十五

勇士 附謀士

渡邊綱傳

源綱者渡邊黨之始祖也自祖父源土赴武藏任任武之箕田者三世因名曰箕田源次武勇剛毅世亦等倫與公時貞光季武齊名仕于源賴光而世稱四夫主於市原知狡童之密謀過羅城門斷獲鬼之一臂其餘軍功不遑枚舉也

金子家忠傳

金子十郎家忠者武藏國村山之人左馬頭義

朝之臣也保元之役鎮西八郎爲朝之臣高間
基有有力之名兄弟二人同當家忠家忠擊殺
二人其後平治之亂從惡源太軍功出類

三 佐佐木經高傳

佐佐木經高者秀義之次男也賴朝發義兵之
日兄弟四人先而從嚴命焉八牧之一舉定綱
經高先襲堤信遠宅經高先登而發矢是源家
征乎氏最初一矢也又與兄弟三人入兼隆壘
而屢奮擊兼隆遂伏誅矣壽永二年與弟高綱

共受賴朝之命刺殺上總弘常其餘戰功猶多
承久之兵亂奉_ニ上皇之詔迴挫東土之計略
矣官兵敗績之後潛居西山邊泰時馳使依諭
可_ノ全命之事經高云是勸自殺之使也蓋耻之
哉遂自殺矣

四 佐佐木高綱傳

佐佐木高綱者秀義之四男也石橋合戰源軍
敗覆而敵軍屢襲賴朝高綱爲後拒當敵者尤
多賴朝曰吾若領日本以其半與汝矣已而賴

朝得免焉賴朝征義仲之日自賜龍蹄令勵戰
忠宇治戰場挺出渡河爲功之魁又治初賴朝
賜七州守護職然以違其約遂剃髮隱道吁可
惜哉高綱非勇敢而輕死而已又精兵士之技
建仁之際其子重綱屬經高盛綱之攻敵岳之
軍高綱來訪而見戰具不協其体而思不可免
其死頗滯泣矣果而戰死且述戰鬪之事無不
符合矣

五 熊谷直實傳

熊谷直實姓平氏武州人也平治之擾亂屬源
義平而守郁芳門十六騎之一員也後屬于賴
朝常州佐竹之役攝州一谷之戰與平山季重
以先登而軍功不少且斬獲篤盛而世人知武
名後出家名蓮生入洛東黑谷之寺師事于源
空承元二年九月十四日死死之日豫指期云

六 仁田忠常傳

仁田忠常者豆州人也賴朝興起之始從而赴
于石橋山又于海西于與東無不勵戰功也加

人物史卷之四
之戰勝曾我祐成執裁比企能貞情哉罹不意
之厄嘗聞忠常承頼家之旨入富士之巖穴日
人從者皆死忠常獨全命而還云

十 足利忠綱傳

足利忠綱姓藤原下野州之豪族也其身有三
絶所謂力當百人聲聞十里齒長一寸也始屬
宇家越宇治川而破敵後黨于義廣不遂志終
向西海驅行父俊綱爲從者相生所害也

八 武田信忠傳

武田信忠者勇力出群豪氣絕世時人呼曰惡
三郎建曆之兵戰義秀之雄武當者必摧焉信
忠父信光見義秀欲決存歿于時信忠遮父而
先進義秀感孝志不戰而去

九 河原高直傳

河原高直同盛直者姓私市武州人也生田之
會戰進先登破柵而入壘中奮擊而戰死呼其
勇敢也輕命也不可言矣社金華死而不厭者
蓋謂此人乎

十 朝夷名義秀傳

朝夷名義秀者義盛三男也膽勇拔群膂力絕倫建保之變從父義盛進兵攻幕府于時交戟之銳卒衛護大門義秀腹自揚聲叱左右辟易直衝而入擊殺尤多及義盛軍潰與其徒五百浮海奔房州或曰後自殺或曰渡高麗不知何是矣

十一 篠塚伊賀守傳

篠塚伊賀守者畠山重忠六世孫為新田義貞

之勇士曲長比將少出其右者元亨建武之間百戰建勇功矣曆應三年刑部尚書義助奉勅狩海南篠塚相從處處竭忠既而義助殲軍務之勞焉篠塚又屬大館氏明在世田城細川賴春率大軍攻之相支三十餘日城中兵疲糧食殆盡氏明知不克全城開門突出戰死士卒盡自殺在城中者篠塚唯一人也篠塚挾八尺鐵棒直衝入敵軍無敢遮者冒圍出微吟而去藤橘伴兵疾馳追之篠塚顧笑曰汝等謬近勿使

身首相分又掉鐵棒向之士卒退散如此者數
 回到今張津夜將半見敵船無人而柁工坐篠
 塚喜不脫戎衣入海踏水三百步許飛乘樓船
 叱舟人曰我官兵篠塚者可趣送隱岐鳴言
 既自舉萬鈞碇起二十五尋檣高枕仰臥鼯鼯
 如雷舟人股栗不能仰視遂到隱岐鳴也可謂
 萬夫之雄也遭官軍之衰運不遂其志惜哉

十一 畑六郎左衛門

畑時能號六郎左衛門有任鄙之勇力十六歲

好角力偏較南輪關左八州無敢敵者後徙信
 州喜殺生以獵漁為業善騎射奔馳千仗絕壁
 如行平地又善泅與齊俱入與洎偕出新田義
 貞略北陸之日屬麾下矣義貞墮命之後官軍失
 勢諸城盡陷時能所守鷹巢城不拔城中兵
 纔二十七人也尾州刺史高經率七千兵圍之
 十重分三十餘營堅壁深塹時能有弟號大夫
 坊快舜有奴號惡八郎皆有力之者也又蒼狗
 謂大獅子時能與二人之勇者乘暗夜侵敵軍

犬獅子先入陳中伺警衛之際速歸而掉尾告之以故得捷每出輒無不斫營凡戰則躍馬直衝敵軍縱橫馳騁如飛蹴殺數人或提鐵棒擲巨石所向無不辟易終中流矢而死矣吁時能勇力人皆知之置不論犬獅子無智之蓄獸而忠其主功其軍如此此時天下官軍不知其幾萬也徒費糧飽貪首功者多對此狗豈不泚其頰乎陸機之黃耳楊生張然之狗以可并按矣

十三 馬場美濃傳

馬場美濃十八歲為武田氏臣歷仕信虎信玄勝頼三主為人勇敢有智謀麾下諸將少出其右者焉信玄略美濃東郡時信長率一萬餘兵為監戰地出馬場總以兵八百進擊信長引兵而退追北而殺傷多天正年中長篠軍奮勵盡力而戰死年六十二人僉惜焉馬場一生戰鬪其功夥就中最著者二十一度信玄與書感賞之然不被一劍無一人服其武略矣

十四 原美濃傳

原美濃傳

八二

原美濃父曰能登下總州人也仕武田信虎及
信玄每有戰鬪其勇功拔諸士得信虎信玄兩
主之感書者三十八被劊五十一也初坐法奔
相州為比條家臣顧盼渥與書賞武略者四通
信玄後請氏康再歸甲陽云

十一

本間江州

附井又
左近

本間江州者上秋則政勇士也則政昏弱不修
軍政菅野大膳上原兵庫等臣辨倭得寵骨鯁
之臣豪強之將多引去本間坐事晦迹村家者

有年矣此時比條氏康有雄略勵富國疆兵之
志數侵野州本間與老臣某合謀到相州為氏
康臣盡記比條家軍容密計而歸曰氏康於我
腹心疾也急擊不取之則有噬臍之悔矣然則
政不從天文戊戌與比條合戰則政敗比菅野
上原逃去之本間輕生入敵軍直衝不避矢石
揚聲曰我是上秋家士本間某也有志者取我
懺効勇功自取冑背懺而拋棄遂戰死矣其懺
者九金桃燈也

十六 山本勘助傳

山本勘助者後魏道鬼三州牛窪人也初周游四國遇尾形某者學兵法而后經歷諸州到甲州謁武田信玄信玄一見之大喜前席談兵法如舊識恩寵日渥能識敵情狀臨機應變軍國庶政無不預聞永祿己酉信玄與越後謙信會戰川中嶋謙信以奇計急擊抵麾下勘助防戰數回終冒白刃而死到今談兵者多賴其法焉

十七 日根野弘就傳

日根野弘就者濃州人也齊藤道三欲廢嫡子義龍立其弟矣義龍招其弟二人於私第弘就誅之弘就即戮一人於是義龍攻殺道三領濃州矣後弘就遊仕于列國又從于信長秀吉竭軍功者最多呼弘就之勇功多則多然從義龍之逆志而不諫可謂見利不知義者也

十八 遠藤直繼傳

遠藤直繼者淺井長政之臣也以戰功擢用焉元龜元年信長略江北陣于龍鼻山攻橫山城

長政促越兵議却信長之計策直繼曰信長以其兵寡故晝則益軍備龍鼻山夜則分兵攻於橫山城曉天襲龍鼻擊其不意破之必矣長政不聽焉直繼曰長政之軍覆不可迴踵然而殺信長在干我手裏乎明日長政與信長戰於姊川長政敗績於是直繼提我死卒之首近于信長矣竹中氏知之與之接又直繼遂戰死

十九 竹中重治傳

竹中重治者濃州人也最長於武略尾濃之主

無出其右者矣從信長秀吉幹軍事者不可數焉年不滿不惑而病死吁惜哉

二十 來嶋通康傳

來嶋通康者本名村上信州人也後寓豫州河野家通康智謀勇功尤較著故通直令配其女以監軍焉通直無嗣通康繼其家稱河野依在豫州來嶋號來嶋

二十一 中川清秀傳

中川清秀者攝州人也築荒木壘居焉始屬荒

木村重荒木與和田惟政戰爭而不止一日荒
木立榜於路傍若有獲和田首者厚賞焉清秀
懷其榜而歸其翌日和田陣于糠塚荒木屯于
馬塚挑戰清秀進先登獲和田首荒木遂得勝
矣後荒木以有岡城叛信長屢攻之又以弘通
耶蘇宗之事令中川高山屬麾下中川高山奉
命而降焉於是荒木力屈矣秀吉與柴田勝家
構難之時使清秀守志津嶽寨高山亦在其比
寨佐久間盛政欲襲志津嶽高山見其大軍計

寡難當衆引兵而還于木本又遣使於清秀示
去寨之事清秀不肯與佐久間戰而死

六

真田昌幸傳

真田昌幸者姓滋野氏海野行親之後也自少
壯仕武田最有武毅其摧堅挫銳之功不少矣
後有故退居于高野山其父幸隆領信州真田
故稱真田從信玄而有功其子信幸亦幹父之
蠱天子左衛門佐大坂之役屬秀賴而得名

七

木村長門

木村長門者右僕射秀賴近臣也慶長之役甲寅冬進蒲生提擊佐介軍斬濫井内膳得首所謂内膳者敵之驍將也人皆感焉明年夏東都復大征大坂木村逆觀我軍不利深入東軍奮勇氣擊殺數人而死可謂見危授命者也矣

西 藤原保昌傳 當在綱之
下其在此

藤原保昌者武智磨之後也以武畧名世又秀歌林與源賴信平惟衡同致賴齊武名其妻曰和泉式部世傳保昌與源賴光入太江山斬妖鬼云

